

民國賓川縣志稿

文

民國賓川縣志稿

文
七

鴻門宴賦

以范增示玦項
莊舞劍為韵

楊玉林

楚鼎爭扛秦闕直斬酒氣猶溫陣雲欲黯當宴飲之相歡
看狼烟之未滅定興亡於席上志寓鯨吞驚叱咤於樽前
威如虎闐伏兵禍迫幸漢運之方隆表甲謀深慮楚軍之
相犯四百載基開一統大命歸劉七十翁玦示三番愚謀
笑范昔沛公之謝羽於鴻門也勢難與敵力不能勝詞皆
卑遜心畏侵凌謂守關之非反言倍德以何曾兵直從函
谷遙屯霸王虎踞天若使咸陽先入真主龍興為秦奉危
項伯則聯為姻姬運籌借箸張良則偕作股肱隨百騎以

蚤來帝王量人看相軍之相見壇坫光增羽乃釋微嫌明
雅意旨酒既清佳釁亦備華筵開角闕之場綺度設紛爭
之地坐虎帳以交酬酌兕觥而盡醉一則坦懷相接笑談
尋兄弟之盟一則大度能容揖讓序主賓之位雖未若宴
歌魚麗享禮攸隆要無殊宴賦鹿鳴周行特示乃有范增
謀奇計譏燕饗未終魚網先設指難染於黿羹身如操夫
虎穴俎豆寓于戈之氣老將心雄筌簞藏金鼓之聲謀臣
膽裂兩賢相阨觀無壁上之諸侯四座皆驚險迫關中之
豪傑倘使誅加隆準事已定於瓊筵無如計誤重瞳功難

收於玉玦戰氣方深溫言慢講鹿共逐於中原龍已罹於
斷港君王不忍方開握手之樽壯士何為忽起當頭之棒
會二君於座上陡然欲決雌雄舞雙劍於筵前宛爾相持
鵲蚌釁起蕭牆之內急甚燃眉戎興樽俎之旁威難強項
然而楚氣雖惡漢道方昌暴已深於一炬仁先見於三章
臣則擁盾前來啖彘肩而顧盼君乃脫身遠去離虎口以
倉皇奈豎子不足與謀怒深亞父實小人能行反間誅及
無傷請看白壁雙陳報還從厚想見綺筵一會色不嫌莊
後茲計失縱龍患遺養虎天意興劉人心背羽金甌之屬

可知玉斗之撞何補不念壁門之會決一戰而智鬪滎陽
竟忘杯酒之情數十罪而軍臨廣武提茲三尺劍業已創
於真王分我一杯羹烹何恤乎乃父朔爾日兵圍垓下百
戰全殲想當年身返軍中兩勝如舞迄今成敗休論興衰
可驗漢本民歸楚為天厭歌來四面何多馭古之人地失
三秦空築鴻溝之塹可惜拔山力盡帳中增起飲之悲劇
憐繫筑聲哀酒後勅思鄉之念東渡恨烏江之敗空留戲
馬高臺西京開赤帝之基早兆斬蛇故劍

李君燦廷傳

君名光炳字燦廷賓川李氏父發元業耕讀精醫術任俠重義嘗為總戎徐映斗朱仕雲策應頗立功勳以財不受糜以爵不受咸豐丙辰之亂父攜君輾轉避難伯父標同至平川遇賊標罵賊被害時年九旬餘蓋一門忠義云光緒丁丑君應童子試冠軍入庠鄉試薦而不售遂毅然繼父志以醫道濟人並施藥餌所活不可僂計李世多盜君練民團以自衛積功膺五品銜而地方亦重君被舉為賓川中鄉議長地方風氣晚開亟倡教育設學校並捐款創

中區高校游省垣日與二三耆宿相往還徜徉山水為真
率會人世所艷稱之榮泊然若無與於其身願性喜施予
如修橋路建寺宇施粥米無不量力樂輸賓居學校貧民
工廠成德中學求實中學皆捐重貲助之晚年信佛法夜
必靜坐念佛己巳冬十一月二十五日家人因有事建築
君曰勿遽也俟二十九日同建可也二十八日命懸佛像
定觀之目與心一心與佛一蓋預知時至矣命家人念佛
又召僧眾六人蒞室環誦君亦自念佛不輟屬纊時如入
禪定不見痛苦含笑而逝時正冬中二十九日距生於咸

豐壬子冬月初七日年八十子五女二孫十曾孫二

論曰余讀史至田疇王烈邨原諸賢哲慨然想見其為人
君其近之矣傷茲濁世願生淨土聞之君之子培炎曰家
君生淨土正念分明善行善報信哉人之生也不重
如身謹作傳備今人作往生傳者之採擇君其不沒矣夫

清文學李公墓誌銘

劍川周鍾嶽謹撰
昆明顏觀高書
石屏袁嘉穀篆蓋

公諱光炳字燦廷姓李氏原籍江右其先有以糧官徙黔
國公沐英入滇者遂世為滇西之賓川人祖考棟祖妣李

氏考晉卿精岐黃術任俠好義嘗為徐軍門映斗朱總鎮仕
雲診疾獲痊畫策有效功成不居潛德弗耀妣韓氏繼妣
蕭氏公甫周歲而失母繼妣視妣已出公亦奉之若所生
丙辰回亂作祖考已故伯祖考標挈公避難至平川猝遇
賊伯祖考時年已九十餘抗聲罵賊遂及於難縣人請為
旌卹入祀忠烈祠公生而穎慧岐嶷不羣甚為父母所鍾
愛顧教督綦嚴雖在亂離播越之中未嘗廢學亂甫平而
父母先後見背公弱齡孤露獨能捫擋家政鉅細靡遺喪
塋如禮人皆謂李氏有子歲丁丑試於有司以冠軍補博

士弟子負應鄉闈薦而不售遂毅然絕意仕進一以醫術
承先濟世不計酬遇寒暖求診轉施藥餌所全活甚衆人
又皆謂能守世業也公之居鄉於地方公事利害所在極
為究心辦團保以備捍陬學校以宏造就建議發言胥
關至計官府叙功曾膺五品職銜後被選為賓川中鄉議
事會議長一切興革皆規體要綱舉目張護國之役輸財
助餉又先後斥產為賓川全縣興辦教育實業之需費至
鉅萬鄉里至今利賴歿而祀社禮亦宜之公年老就養至
昆明杖履優游蕭然物外日惟與二三耆宿相往還今冬

邁微疾遽歸道山葦省嘆息以為又失一典型也公生於
清咸豐二年壬子冬月初七日巳時卒於民國十八年己
巳冬月二十九日卯時享壽七十有九易簣之夕神識清
明遺令諸子樽節喪費捐助中學及貧兒工廠三千元以
了夙願嗚呼洵可謂好行其德始終不倦也已公元配楊
夫人先卒繼配褚夫人尚存子男子五人培榮清五品軍
功培英前第五軍部諮謀官楊夫人出培炎現充省政府
顧問培人現充糖捐局局長培天現任蒙藏委員會委員
均褚夫人出子女子二長尚蓮適同里前清中總方君從

漢次培蓮適現任雲南省政府主席龍君雲孫寶鈐現充
少校軍法官曾孫四安公諸子皆克家培炎培天尤有才
能為世用將以今臘廿四日塋公於昆明五老山之陽奉
狀乞為埋幽之文予家劍川與公里鄰比飲葦其事居昆
明又時有過從於誼不獲辭謹按狀叙次其行誼之榮榮
大者而著之並系以銘銘曰

粵稽李姓系出皋陶譜牒可詳也卉葉蟬嫣漢唐代雄於
爍其光也支分江右由甯而滇歷久彌彰也忠孝承先詩
書淑後厥享必昌也公生賓川歿塋昆明知魂魄猶樂此

鄉也五老之山磅礴固護其氣靈長也我為勒銘鐫諸貞石告百世而弗忘也

李楊夫人傳

曲靖孫光庭撰

夫人名孟蓮字素君賓川李培炎室楊春池處士長女處士義方光被桀範克咸子蔭南敬厯滇黔綏靖公署軍法處長雲南第二殖邊督辦咸著聲績而夫人復以陰教顯夫人賦性賢明事翁姑以禮而勤於職業田舍織室三餘罔豫培炎篤志仕學旅食京省靡常厥居夫人桑土綢繆

事當瞻焉民國十年培炎任省議員板輿迎養夫人侍行
家屬纍纍食指復繁培炎遜志民畧絕內顧夫人左右
屈戡否傾屯宜其家室事當如在里而馴益豐富滇新銀
行成立培炎主之既晉主雲南鹽政夫人位寢崇琛其至
貴國爵屏焉榮光無著燕處超然顧汲汲以食貨為懷培
炎統制經濟管理外匯集中硬幣調平出入洎統制鹽政
夫人咸消息其間朝警夕惕翊贊指陳金融以固鹽荒以
熄物價以平公用以足赫赫難名厥功懋焉尤以促建銀
行儲蓄庫為遠敵之告昆市多次警消防脫畧銀行舊庫

苟完抑將倣矣夫人侃夫鼎新革故而迅底於成長府固
若長城衣被所及厯世未之窮也李氏族日繁夫人生鎮
其間德威惟畏祺熙華熙親疎無敢誣其規河潤所及澤
溥三族聞其歿有泣下者抗日軍興慨撤填環捐輸以屢
復諗培災亟以藥石濟災氓龍顧夫人發起寒衣運動夫
人認捐三千件以為民望望祝之尊為可繼焉夫人躬簡
樸而濟人之急自刻苦而恕人以難恕畧居室而殷殷顧
念戚姑遺命建寺築塘功猶未盡迄也落成贈公祠堂與
其娣楊淑清建彌陀寺于側刻意尚行為滋厚於當世弟

阮其冠神禪其祠者或望而未之及也長女蕙蘭適江氏
次幼子寶清以開敏知名

贊曰列女傳一書或譏其偽稽紳先生難言之然史傳列
女不一而足其帚作而婦道成風教尚焉兼善之資蓋闕
如也整婦慶周添室建魯瞻視不凡識度可則然夫人深
遠矣

祭張養正墓文

張

綽

裕如
賓川

嗚呼葆天卓犖不羣童年嗜學夕惕朝乾素履淡泊處之